



REPUBLIKA E KOSOVËS / REPUBLIKA KOSOVA

GJYKATA THEMELORE FERIZAJ - DEGA E GJYKATËS KAÇANIK

---

Numri i lëndës: 2019:085558

Datë: 06.10.2022

Numri i dokumentit: 03495663

P.nr.155/19

NË EMËR TË POPULLIT

GJYKATA THEMELORE FERIZAJ - DEGA KAÇANIK Departamenti i Përgjithshëm, Divizioni Penal, Gjyqtari Burim Çaka, procesmbajtësja Suzane Rudi, në çështjen penale kundër të akuzuarit V.T nga ... Republika e Maqedonisë së Veriut, për shkak të veprës penale Falsifikimi i dokumenteve nga neni 398 paragrafi 1 të KPRK-së, sipas aktakuzës së Prokurorisë Themelore Ferizaj me numër PP/II.nr.621-1/2019 të datës 28.03.2019, pas mbajtjes së shqyrtimit gjyqësor publik më datë 20.09.2022 në praninë e Prokurores së Shtetit Mimoza Syla Hyseni dhe të akuzuarit, mori dhe publikisht shpalli, ndërsa më datë **06.10.2022** përpiloi këtë:

A K T G J Y K I M

I akuzuara: V.T nga “...” Rruga “...” Strumnicë Republika e Maqedonisë së Veriut, i lindur më datë ..., nga i ati I..., dhe e ëma E... e gjinisë A., me numër personal ..., ka të kryer shkollën e mesme, me profesion taksist, i martuar, prind i 2 fëmijëve, i gjendjes së mesme ekonomike, maqedonas, shtetas i Republikës së Maqedonisë së Veriut, i pa gjykuar më parë.

Në bazë të nenit 364, paragrafi 1, nën paragrafi 1.3 të Kodit të Procedurës Penale (KPP)

## LIROHET NGA AKUZA

Sepse më datë 12.02.2019, rreth orës 10:30, në pikën kufitare Hani i Elezit Republikë e Kosovës – Republika e Maqedonisë Veriore, saktësisht në linjën dalëse të kontrollimit të veturave, i pandehur duke e drejtuar automjetin e tipit ..., me targa ..., duke e kaluar pikën kufitare i ka prezantuar dokumentet e nevojshme policit kufitar, ku në mesin e dokumenteve ka prezantuar edhe dokumentin e falsifikuar – kartonin e gjelbër me numër MK/... për të cilin është konstatuar se është i falsifikuar dhe me dije e ka përdorur.

- Me të cilat veprime do të kryente veprën penale Falsifikim i dokumentit nga neni 398 paragrafi 1 të KPRK-së.

- Shpenzimet e procedurës penale bien në barrë të mjeteve buxhetore të kësaj gjykate.

### A r s y e t i m

Prokuroria Themelore në Ferizaj, Departamenti i Përgjithshëm, ka ngritur aktakuzën PP/II.nr.621-1/2019 të datës 28.03.2019, kundër të akuzuarit së lartë shënuar për shkak të veprës penale Falsifikim i dokumentit nga neni 398 paragrafi 1 të KPRK-së dhe ka kërkuar që e njëjta të shpallet fajtores dhe të dënohet sipas ligjit.

#### *Pretendimet e palëve gjatë shqyrtimit gjyqësor*

Prokuroria e Shtetit gjatë shqyrtimit gjyqësor dhe fjalës përfundimtare ka deklaruar se mbetëm në tersi pranë Aktakuzës me numër PP.nr.621-1/2019 të datës 28.03.2019, ku pas administrimit të provave në këtë shqyrtim Gjyqësor si prova materiale, raporti i oficerit i datës 12.02.2019, formulari i konfiskimit, raporti i ekspertimit nga Agjencia e Kosovës për Forenzikë me numër 2019-0448/2019-400, forma daltilosofike dhe fotografi, si dhe pjesërisht mbrojtja e të pandehurit u vërtetua gjendja faktike sikurse në aktakuzë, i ka propozuar gjykatës që të pandehurin ta shpallë fajtor dhe ti shqiptoj sanksion penal te paraparë me ligj.

I akuzuari gjatës shqyrtimit gjyqësor dhe fjalës përfundimtare e ka mohuar në tërësi kryerjen e veprës penale dhe ka deklaruar se nuk e ndjej vetën fajtorë për kartonin e gjelbër, që unë si klient i rregullt i kësaj Kompanie, në mënyrë të ndershme e paguaj dhe unë si blerës nuk muj me ditë a është origjinal apo fals dhe me këtë karton unë udhëtoj në Republikën e Maqedonisë, Shqipërisë, Bullgarisë dhe Kosovës dhe asnjëherë nuk kam pasur problem. Për këtë arsye nuk e ndjej veten fajtorë. Nëse është falsifikim duhet të hetohet Kompania sepse vetëm unë jam, klient por ka shumë. Na jemi vetëm blerës – klient dhe është e pa drejt që na të akuzohemi.

#### *Provat e administruara gjatë seancës së shqyrtimit gjyqësor*

Është dëgjuar në cilësinë e ekspertës L. Sh. nga Agjencia e Kosovës për Forenzikë, U shikua kartoni i gjelbër, u lexua Raporti i ekspertimit i datës 27.02.2019 me numër AKF/2019-... i Agjencisë së Kosovës për Forenzikë, raporti fillestar i incidentit i datës 12.02.2019, raporti i oficerit M. A. i datës 12.02.2019, deklarata e të pandehurit e dhënë në polici i datës 12.02.2019, letër konfirmim i konfiskimit të kartonit të gjelbër i datës 12.02.2019, fletë më gjurmët e gishtërinjve dhe të dorës së të pandehurit, kopje të kartonit të gjelbër, dokumenti nga Byroja Nacionale e Sigurimeve e Maqedonisë me numër ... në origjinal në gjuhën Angleze, dokument të lëshuar nga Byroja Nacionale e Sigurimeve të Maqedonisë në dy fletë, vërtetim i polisës - dokument i noterizuar i lëshuar nga Kompania Uniqe për kartonin e gjelbër- fotokopje nga arhiva e Kompanisë, faktuar për pagesën e kartonit të gjelbër e lëshuar nga Kompania Uniqe, transaksioni bankar i pagesës së bërë.

#### *Gjetjet e gjykatës lidhur me faktet*

Gjykata ka analizuar dhe vlerësuar një nga një dhe të gjitha bashkërisht të gjitha provat që janë administruar gjatë seancës të shqyrtimit gjyqësor, ku pas analizimit të të gjitha këtyre provave, ka ardhur në përfundim se nuk është provuar se i akuzuari e ka kryer veprën penale Falsifikim i dokumentit nga neni 398 paragrafi 1 të KPRK—së duke u bazuar në këto fakte vendimtare të provuara:

Gjykata vlerëson se për tu kryer vepra penale Falsifikim i dokumentit nga neni 398 paragrafi 1 të KPRK-së, kryerësi duhet që veprën penale ta kryej me dashje direkte.

Gjykata vlerëson se nga provat të cilat janë administruar në shqyrtim gjyqësor janë vërtetuar këto fakte vendimtare:

Sigurimi kufitar – kartoni i gjelbër i MKD –së me numër serik MK/..., përkundër cilësisë së letrës në të cilën ka qenë i shtypur, përmbajtja ka qenë origjinale dhe i lëshuar në mënyrë të rregullt kjo vërtetohet nga:

- Dokumenti i lëshuar dokumenti nga Byroja Nacionale e Sigurimeve e Maqedonisë me numër ... në origjinal në gjuhën Angleze, dokument të lëshuar nga Byroja Nacionale e Sigurimeve të Maqedonisë në dy fletë, me të cilin vërtetohet se kartoni i gjelbër me numër ... është lëshuar nga sistemi qendror i Byroja Kombëtare për Sigurim e Republikës së Maqedonisë Veriore në emër të Taxi ... me periudhë vlefshmërie të kartonit të gjelbër nga data 14.02.2018 deri më 14.02.2019, i autorizuar për ta përdorur këtë veturë ka qenë V.T.

Po ashtu ky fakt u vërtetua edhe nga vërtetim i polisës, dokument i noterizuar i lëshuar nga Kompania Uniqe për kartonin e gjelbër- fotokopje nga arhiva e Kompanisë.

Po ashtu ky fakt u vërtetua edhe nga fatura me numër ... për pagesën e kartonit të gjelbër të lëshuar nga Kompania e sigurimeve Uniqe e datës 07.02.2018, si dhe pagesa e bërë në bankë sipas kësaj fature, e bërë në bankën .... Banka në Shkup në shumë prej 5.536,00 denar.

Provat - Dokumenti nga Byroja Nacionale e Sigurimeve e Maqedonisë me numër ...-2019 në origjinal në gjuhën Angleze, dokument të lëshuar nga Byroja Nacionale e Sigurimeve të Maqedonisë në dy fletë, vërtetim i polisës - dokument i noterizuar i lëshuar nga Kompania Uniqe për kartonin e gjelbër- fotokopje nga arhiva e Kompanisë, faktuar për pagesën e kartonit të gjelbër e lëshuar nga Kompania Uniqe, transaksioni bankar i pagesës së bërë, gjykatës ia ka prezantuar mbrojtja e të akuzuarit së bashku me kërkesën për hudhjen e aktakuzës. Të njëjtat

janë administruar në shqyrtim gjyqësor dhe lidhur me këtë provo nuk ka pasur ndonjë vërejte nga Prokuroria e Shtetit. Këto prova gjykata i ka vlerësuar si të besueshme, pasi që të njëjtat ishin të lëshuar nga tri institucione të ndryshme në Republikën e Maqedonisë Veriore si, nga Byroja Nacionale e Sigurimeve e Maqedonisë, nga kompania e sigurimeve Uniqa dhe nga banka ... në Shkup, me të cilat vërtetohet një gjendje e njëjtë faktike se kartoni i gjelbër me numër MK/... është i lëshuar në mënyrë të rregullt.

Gjykata i analizoi edhe provat tjera të propozuar nga Prokuroria e shtetit në aktakuzë, si:

Raporti i ekspertimit i datës 27.02.2019 me numër AKF/... i Agjencisë së Kosovës për Forenzikë dhe dëgjimin në cilësinë e ekspertes L. Sh. nga Agjencia e Kosovës për Forenzikë.

Nga kjo provë Gjykata nxjerri përfundimin se letra, cilësia e letrës, mënyra e printimit në kartoni i gjelbër i MKD –së me numër serik MK/... nuk kanë qenë në cilësinë e letrës së kërkuar, mënyrës standarde të printimit, dhe si të tillë gjykata e vlerësoi të besueshme, por përmbajtja në letër ka qenë origjinale dhe e lëshuar në mënyrë të rregullt, fakt të cilin gjykata e ka vërtetuar Dokumenti nga Byroja Nacionale e Sigurimeve e Maqedonisë me numër ... në origjinal në gjuhën Angleze, dokument të lëshuar nga Byroja Nacionale e Sigurimeve të Maqedonisë në dy fletë, vërtetim i polisës, dokument i noterizuar i lëshuar nga Kompania Uniqa për kartonin e gjelbër- fotokopje nga arhiva e Kompanisë, faktuar për pagesën e kartonit të gjelbër e lëshuar nga Kompania Uniqa, transaksioni bankar i pagesës së bërëi, e po ashtu si në raportin për ekspertim edhe në seancë gjyqësore nga ekspertja e Agjencisë së Kosovës për Forenzikë nuk kanë dhënë ndonjë të dhënë apo përfundim lidhur me përmbajtjen e dokumentit në fjalë.

Gjykata ka vlerësuar se i akuzuari, në rastin konkret, nuk kanë mundur ta dij se në çfarë letre apo çfarë cilësie apo mënyrë duhet të shtypet kartoni i gjelbër nga shitësi, sepse e njëjta është blerë në mënyrë të rregullt, të cilin fakt gjykata e ka vërtetuar nga dokumenti nga Byroja Nacionale e Sigurimeve e Maqedonisë me numër ... në origjinal në gjuhën Angleze, dokument të lëshuar nga Byroja Nacionale e Sigurimeve të Maqedonisë në dy fletë, vërtetim i polisës, dokument i noterizuar i lëshuar nga Kompania Uniqa për kartonin e gjelbër- fotokopje nga arhiva e Kompanisë, faktuar për pagesën e kartonit të gjelbër e lëshuar nga Kompania Uniqa, transaksioni bankar i pagesës së bërë.

Me këto prova po ashtu u vërtetua se nuk ka qenë dashja e të akuzuarit për ta kryer këtë veprë penale, po ashtu duke e marrë për bazë edhe faktin se i akuzuari ushtron profesionin si taksist.

Nga provat tjera të administruara si, shikimi i kartonit të gjelbër, raporti fillestar i incidentit i datës 12.02.2019, raporti i oficerit M. A. i datës 12.02.2019, letër konfirmim i konfiskimit të kartonit të gjelbër i datës 12.02.2019, fletë më gjurmët e gishtërinjve dhe të dorës së të pandehurit, kopje të kartonit të gjelbër, nuk është arritur të vërtetohet ndonjë fakt me rëndësi vendimtare, përpos mënyrës se si është zhvilluar procedura lidhur me dyshimin për falsifikim të kartonit të gjelbër.

Gjykata me rastin e vendosjes po ashtu në këtë rast ka pasur parasysh edhe parimin in dubio pro reo.

*Baza ligjore.*

Gjykata duke u bazuar në nenin 364 pika 1.3 të KPP-së ka vërtetuar se nuk është provuar se e akuzuara ka kryer veprën penale Falsifikim i dokumentit nga neni 398 paragrafi 1 të KPRK-së

*Vendimi mbi shpenzimet e procedurës penale*

Të njëjtat bien në barrë të mjeteve buxhetore të kësaj gjykate konform nenit 454 par 1 të KPP-së.

Andaj duke u bazuar në të gjitha të cekurat më lartë gjykata vendosi si në dispozitiv të këtij aktgjykimi.

GJYKATA THEMELORE NË FERIZAJ

DEGA KAÇANIK

P.nr.155/19, datë 06.10.2022

Procesmbajtësja

Gjyqtari

Suzane Rudi

Burim Çaka

**KËSHILLA JURIDIKE:** Kundër këtij aktgjykimi mund të paraqitet ankesë në Gjykatën e Apelit në Prishtinë, në afat prej 15 ditëve nga dita e pranimit të të njëjtit. Ankesa në kopje të mjaftueshme i paraqitet kësaj gjykate.